



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Komunikadu Imprensa

Periodu : Novembro 2009

Edisaun : Novembro 2009

**DEBATE ORSAMENTU ANUAL 2010 IHA NIVEL KOMISAUN- HALO SALA
DE PLENARIA MAMUK**

Iha Segunda Feira no Terça Feira (09-10/11/2009) semana liu ba , aktividade Parlamento Nacional (PN) la funsiona ka mamuk tanba la iha audensia ka plenaria. Bain-bain tuir Regimentu Interna Parlamentu nian, iha loron refere representante povu sira ne'e sei halo sira nia kna'ar hodi halo debate Propostas da Leis, Projetu de Leis ou Decretu de Lei ruma ne'ebe maka marka tiha ona iha agenda. Alein de debates ba assuntus lei, deputadu sira ne'e mos hato'o sira nia deklarasaun politika no hato'o rezulatadu observasaun, fiskalizasaun durante semana ida nian.

Tuir JSMP nia observasaun badak durante iha loron rua refere, sala audensia ka sala plenaria mamuk. Tuir fontes ne'ebe maka JSMP hetan katak, iha loron rua ne'e nia laran deputadus sira sei debate proposta orsamentu jeral estadu ba tihan 2010 (annual) iha nivel komisaun.

Tuir fontes ne'e mos dehan katak, plenaria sei loke fila fali iha quarta feira semana oin hodi kontinua debate konabá proposta orsamentu annual ne'ebe maka mai husi governu ne'e.

Iha parte seluk, bancada FRETILIN (*Frente Revolucionario de Timor Leste Indepente*) iha ninia sala ka aula konferensia halo konferensia da imprensa nu'udar aksaun politika ida hasoru karta ida husi PM Xanana Gusmao iha data 4 de Novembro ne'ebe maka sira simu iha dia 09/11/2009. Konteudu husi karta ne'e kona ba Planu Governu atu halo koreksaun ba planu politika hodi harí Construsaun Centrais Electricas (CCE) nian.

Iha Imprensa ne'e porta-vos bancada FRETILIN, Eng. Inácio Morreira hato'o katak nu'udar partidu opozisaun mantein nafatin iha nia pozisaun no fo hanoin nafatin ba governu atu nune'e halo buat ruma, prezisa planu ne'ebe planeado didiak liu husi estudos komparativus iha nasaun seluk ne'ebe maka kle'an atu nune'e labele gasta osan barak no halo failansiu fila-fila. Wainhira Governu la bele hala'o programa ne'e ba oin signifika katak Governu fraku no hatudu ba povu nasaun ida ne'e katak sira la iha kapasidade.

Porta-Vos bancada FRETILIN ne'e mos haforsa katak konabá Construsaun Centrais Electricas (CCE) ne'e iha inisiu kedas sira nia bancada kontra maka'ás konabá politika Governu ida ne'e.

Atu hetan informasaun kle'an favor kontaktu:
Luis de Oliveira Sampaio
Direitor Ezekutivu, JSMP
Diresaun E-Mail: luis@jsmp.minihub.org
Landline: 3323883